

5. maj 2015

Nunatta inuiattut unammersuarterfissaannik qulisamik "National Station"-imik pilersitsinissaq siunertaralugu Naalakkersuisut pilersaarummik kingusinnerpaamik UKA2016-mi saqqummiunneqartussamik suliaqaqqullugit mpeqquneqarnissaannik Inatsisartut aalajangiiffigisassaattut siunnersuut. Pilersitsinissamut pilersaasummi misissorneqassapputunammersuarterfissap ingerlanneqarnerani sanaartornissamilu aningaasatigut pissutsit atuuttussat.

(Inatsisartuni ilaasortaq Anders Olsen – Siumut)

Inatsisartuni ilaasortap Anders Olsennip Nunatsinni qulisamik atlitikkerfiutigisumik arsaattarfiliortoqarnissaannik Naalakkersuisunut suliaq aallartisarneqaqqullugu misissueqqusinera ilassilluarparput. Timersorneq ataatsimuussusermik peqqinnartumillu inuuneqarnissamik annertoorujussuarmik tunngavissiisarpoq, inuttullu ataasiakkaatut eqimattakkuutaatullu anguniagaqarusussusermik annertuumik siunnerfeqartitsisarluni.

Aamma taamaappoq nunanik allanik timersorneruttaaq iluani nunarsuarmioqatitsinnik peqateqarsinnaanermi. Nunatsinni innuttaqqortuserput eqqarsaatigissagaanni timersornermik aallusserususerput piginnaasavullu qaffasipput, tamannalu tulluu-simarutissatta annertuut aamma ilagivaat.

Siumumiit isumaqarpugut siunnersuuteqartup ullumi periarfissaareersut pitsanngorsaavigineqarnissaannik siunnerfeqarnera nuannertoq tamatsinnik ilalerneqartariaqartoq. Timersornikkummi angusinnaasat timersornerinnarmut tunngassuteqanngillat, nalunngilarput timersorneq allarpassuarnik pitsaasunik malitseqartitsisarmat, pinaveersaartitsinerullu iluani annertuumik pitsaasumik sunniuteqartarluni.

Nunarsuarmi timersoriaatsit ilarpassui nunatsinni atugassarititaasut iluanni periarfissaanngillat, taakuuppullu atlitikkimut qaffasinnerusumik timersorsinnaanermut tunngasut.

Nuannerpoq sineriammi ivigaasanik arsaattarfeqalernissamik siunnerfiit suliniutillu aamma ingerlanneqarmata, sumiiffiillu ilaanni tamanna aamma anguneqareernikummat. Siumumiit sumi

”National Stadion” inissinneqarsinnaanera siumungaaq isummerfiginngikkaluarlugu suliniuteqaq-
qusilluni misissueqqusineq taperserluarparput.

Siumumiillu kissaatigissavarput Kultureqarnermut, Ilinniartitaanermit, Ilisimatusarnermut,
Ilageeqarnermullu ataatsimiititaliamut ingerlateqqinneqarnerani sinerissami ivigaasanik
arsaattarfittaarniarnermi suliniteqartut suliaasa alakkaamaneqarnissaat. Aammalu sutigut
tapersersortariaanerat ilanngullugu killiffissieqqullugit.

Vivian Motzfeldt

Siumut